



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 395. Usque Ad Annum 428

Fleury, Claude

August. Vind. [u.a.], 1759

VD18 90117794

§. 40. Populum erudit.

[urn:nbn:de:hbz:466:1-66042](https://nbn-resolving.org/urn:nbn:de:hbz:466:1-66042)

Sæculum IV. reprehensibilis vitæ erant, examinabat,
 A. C. 399. suadebat, ut jejuniis se exercerent, si quas
 voluptatibus deditas videret, atque ut
 balneis, & superfluo corporis cultu ab-
 stinerent; aut cito ad secundas nuptias
 transirent, ne suis moribus Religioni Ca-
 tholicæ probro essent. *Mulieres enim,*
inquit: si a marito liberatæ sint, nec to-
tas se Deo mancipient, otio, obtreptioni,
curiositati, aliorumque negotiis, nihil ad
se spectantibus, se dedunt.

§. XL.

Populum erudit.

Pall. p. 47. Sanctus Chrysostomus populum in suis
 Concionibus admonebat, ut officio
 nocturno interesset, nempe viri, quibus
 per diem Ecclesiam adire non vacabat,
Hom. 13. in Ep. ad Hebr. Mor. foeminas vero domi manere jubebat, &
 tantum de die in Ecclesiam venire.
Hom. 26. in act. Mor. Semper, ait: *Dei meminimus tunc ve-*
ro maxime, quando animo tranquillo su-
mus, id est, horis nocturnis, nam de die
multis rebus turbamur. Et alibi: Non
ideo facta est nox, ut tota somno, & otio
perdatur; id nos artifices, aurigæ, mer-
catores suo exemplo docent, id Ecclesia Fi-
delium, media nocte surgentium, nos mo-
net; vos quoque surgite, pulcherrimum
stellarum ordinem considerate, profundum
naturæ silentium, & quietem perfectam.
Tunc anima purius cogitat, levior est, &
ad

ad caelestia aptior. Tenebrae, & silen- Sæculum IV.
A. C. 399.
tium ad compunctionem invitant; dum
omnes homines in lectis dormiunt, quasi in
sepulchris, finis mundi imaginem præbent.
Ad viros dico, & ad mulieres: Flectite
genua, gemite, orate! si liberos habetis,
hos quoque e somno excitare, & domus
vestra nocte Ecclesia vobis sit, si ob tene-
ritudinem vigilare nequeant, jubete, ut
unam, alteramve orationem recitent, &
dormiant; sic tamen interrumpendo so-
mno assuescent. Ejusmodi documenta
pigris Clericis non sapiebant, quibus quo-
tidie tota nox dormiebatur.

Non minor S. Joanni cura fuit de Pall. p. 47.
homil. de inf.
alt. to. 6.
retundendo divitum fastu, eisque mode-
rationem, & humilitatem commenda-
bat. Quid vobis causæ est, inquit: 723.
ut tanti vos ipsos esse credatis? gratiam
forte nobis facitis, si buc venitis, ut ea,
quæ vobis ad salutem profunt, audiat?
at divites estis, & vestibus holosericis in-
duti! an vero nescitis vestes has, a ver-
mibus productas, & ab hominibus, quos
barbaros vocatis, contextas? an nescitis
meretrices, latrones, sacrilegos, incestos,
& hominum perditissimos his contegi?
mittite, quæso! hunc fastum, & ad natu-
ræ humanæ humilitatem descendite! ter-
ra estis, pulvis, cinis, & fumus, & præ-
terea nihil. Multis famulis imperatis,
vestrorum affectuum mancipia! non absi-

Sæculum IV. *miles homini, qui domi a servis verberibus affici pateretur, & foris magnam suam jactaret auctoritatem, & potentiam.*
A. C. 399.

Uberes sermonum istorum fructus Constantinopoli videre erat, de die in diem tota civitas in pietate proficiebat, illi etiam, qui in cursu equorum, aliæque spectacula nimio affectu ferebantur, relictis Circo, & theatro in Ecclesiam se conferebant. Sermones Chrysostomi habemus in arte benedicendi potentissimos, quos contra ejusmodi abusus Constantinopoli habuit; in illa urbe inter alia explicavit Epistolam ad Ephesios, Epistolam ad Colossenses, Epistolam ad Hebræos, & Acta Apostolorum. Ter in septimana ad populum dicebat, factumque, ut non nunquam septem continuis diebus dicaret. Auditorum multitudo tanta confluebat, ut pro convenientium commoditate, atque ut facilius perorans perciperetur, relicta Cathedra, ubi Antecessores prædicare verbum Dei solebant, in medio Ecclesiæ suggestum, lectoribus destinatum, conscenderit. Non nullos auditores curiositas adducebat, plures autem numero tam Gentiles, quam Hæretici convertebantur.

Vir de Macedonianorum Secta dicendi vi a Chrysostomo conversus, uxorem quoque ad Ecclesiam Catholicam reducere

S. Chrysost.

Pall. p. 48.

to. 5. serm.

29. intrate in

ang. p. 171.

hom. 44. Az.

mor. in acta

hom. 44. in a-

ctam or.

Soz. VIII.

c. 5.

cere satagebat; diu pertinacem frustra hortabatur, nam aliarum sceminarum consuetudo, & exempla retinebant; tandem, cum minaretur, se eam repudiaturum, promisit mulier, quod maritus volebat, & ad Ecclesiam venit; ubi tempus Communionis adfuit, Evcharistiam accepit, & caput, quasi oratura, inclinavit; non autem, ut debebat, Evcharistiam manducavit, sed, ea servata, panem, a famula rei conscia sibi secreto datum, loco Evcharistiæ sumpsit. At quamprimum hunc panem ori intulit, lapidem sub dentibus suis factum sensit; miraculo perterrita, ad Episcopum convolvit, omnia confessa, ostendit lapillum, in quo dentium vestigia notabantur, & cujus materia, colorque ab omnibus aliis abhorrebat; facti veniam cum lacrymis rogavit, atque exinde cum Marito in pace vixit. Lapillus prodigiosus, in thesauro Ecclesiæ Constantinopolitanæ custoditus, tempore Sozomeni, qui hanc historiam narrat, conspiciebatur.

Sæculum IV.
A. C. 399.

§. XLI.

Aliarum Ecclesiarum cura.

Major erat S. Joannis Chrysostomi zelus, quam ut in Ecclesiæ Constantinopolitanæ limitibus contineretur, sed ad omnes Ecclesias extendebatur. Ecclesias sex Provinciarum in Thracia, undecim

Soz. VIII.

c. 3.

Theo. V. c. 98